

Signing Information

Page 1/1



ÅOP-09-2024 Revisjonsuttale Bordgleder KF 2024.pdf

Name	Signed with	Signed at
Tveit, Asgeir	BANKID	2025-04-11 12:15:54



This document is electronically sealed and contains electronic signatures

VESTLAND REVISJON

Kommunale Oppgåvefelleskap

Forretningsadresse: Førde, Rådhus, Hafstadvegen 42, 6800 Førde
Postadresse: Postboks 487, 6803 Førde - Org.nr. 923 249 478 MVA
E-post: postmottak@vestrev.no
www.vestlandrevisjon.no

Bankkonto 3705 40 64838
Dagleg leiar **Asgeir Tveit**
Mobilnr. 908 74 388
E-post: asgeir.tveit@vestrev.no

Til kommunestyret i Kinn kommune

Kopi:
Kontrollutvalet
Formannskapet
Kommunedirektøren
Styret

Dykkar ref.:

Vår ref.:

Arkivkode:

Journalnr.:
029/2025

Dokumentdato:
11.04.2025

Uttale om årsrekneskapen

Konklusjon

Vi har revidert årsrekneskapen for Bordgleder KF, som viser eit negativt netto driftsresultat på kr 2 584 763. Årsrekneskapen består av balanse per 31. desember 2024, løyvingsoversikter for drift og investering, økonomisk oversikt for drift, oversikt over samla budsjettavvik og årsavslutningsdisposisjonar for rekneskapsåret avslutta per denne datoen, samt notar til årsrekneskapen.

Etter vår mening

- oppfyller årsrekneskapen gjeldande lovkrav, og
- gir årsrekneskapen eit rettvisebilde av føretaket si finansielle stilling per 31. desember 2024 og av resultatet for rekneskapsåret avslutta per denne datoen, i samsvar med kommunelova sine reglar og god kommunal rekneskapsskikk i Noreg.

Grunnlag for konklusjonen

Vi har gjennomført revisjonen i samsvar med lov, forskrift, god kommunal revisjonsskikk i Noreg og International Standards on Auditing (ISA-ane). Våre oppgåver og plikter etter desse standardane er skildra nedanfor under «Revisors oppgåver og plikter ved revisjon av årsrekneskapen». Vi er uavhengige av føretaket i samsvar med krava i relevante lover og forskrifter i Noreg og har overhalde våre etiske forpliktingar i samsvar med desse krava. Innhenta revisjonsbevis er etter vår vurdering tilstrekkeleg og føremålstenleg som grunnlag for vår konklusjon.

Årsmeldinga

Leiinga er ansvarleg for informasjonen i årsmeldinga som er publisert saman med årsrekneskapen. Vår konklusjon om årsrekneskapen ovanfor dekkjer ikkje informasjonen i årsmeldinga.

I samband med revisjonen av årsrekneskapen er det vår oppgave å lese årsmeldinga. Føremålet er å vurdere om det ligg føre vesentlege inkonsistensar mellom årsmeldinga og årsrekneskapen, samt den kunnskapen vi har opparbeidd oss under revisjonen. Vi vurderer òg om informasjonen i årsmeldinga verkar vesentleg feil. Dersom vi finn vesentlege feil i årsmeldinga har vi plikt til å rapportere dette. Vi uttaler oss om årsmeldinga datert 28.03.2025 og har ingenting å rapportere i så måte.

Basert på den kunnskapen vi har opparbeidd oss i revisjonen, meiner vi at årsmeldinga

- inneheld dei opplysningane som skal givast i samsvar med gjeldande lovkrav, og
- at opplysningane om økonomi i årsmeldinga stemmer overeins med årsrekneskapen.

Vi viser elles til avsnittet «Uttale om utgreiing for vesentlege budsjettavvik» under uttale om andre lovmessige krav.

Styret og dagleg leiar sitt ansvar for årsrekneskapen

Styret og dagleg leiar har ansvaret for å utarbeide årsrekneskapen og for at han gir eit rettvisebilde i samsvar med regnskapslova, tilleggsføresegner i kommunelova og god rekneskapsskikk i Noreg. Leiinga er òg ansvarleg for den interne kontrollen ho finn naudsynt for å utarbeide ein årsrekneskap som ikkje inneheld vesentleg feilinformasjon, verken som følgje av misferd eller utilsikta feil.

Revisor sine oppgåver og plikter ved revisjonen av årsrekneskapen

Målet vårt er å oppnå betryggande tryggleik for at årsrekneskapen som heilskap ikkje inneheld vesentleg feilinformasjon, verken som følgje av misferd eller utilsikta feil, og å avgi ein revisjonsfråsegn som gir uttrykk for vår meining. Betryggande tryggleik er ein høg grad av tryggleik, men ingen garanti for at ein revisjon utført i samsvar med ISA-ane alltid vil avdekke vesentleg feilinformasjon. Feilinformasjon kan oppstå som følgje av misferd eller utilsikta feil og er å rekne som vesentleg dersom han, anten åleine eller samla, med rimeleg grunn kan forventast å påverke økonomiske avgjerder som brukarane tek basert på årsrekneskapen.

Som del av ein revisjon i samsvar med lov, forskrift, god revisjonsskikk i Noreg og ISA-ane, utøver vi profesjonelt skjønn og viser profesjonell skepsis gjennom heile revisjonen. I tillegg:

- identifiserer og anslår vi risikoane for vesentleg feilinformasjon i årsrekneskapen, anten det skuldast misleg framferd eller feil som ikkje er tilsikta. Vi utformar og gjennomfører revisjonshandlingar for å handtere slike risikoar, og hentar inn revisjonsbevis som er tilstrekkelege og formålstenlege som grunnlag for konklusjonen vår. Risikoen for at vesentleg feilinformasjon som følgje av misleg framferd ikkje blir avdekket, er høgare enn risikoen for feilinformasjon som skuldast feil som ikkje er tilsikta, sidan misleg framferd kan innebære samarbeid, forfalsking, bevisste utelatingar, feil presentasjonar, eller brot på interne kontrollrutinar.
- opparbeider vi oss ei forståing av intern kontroll som er relevant for revisjonen, for å utforme revisjonshandlingar som er føremålstenlege etter tilhøva, men ikkje for å gi uttrykk for ei meining om effektiviteten av føretaket sin interne kontroll.
- evaluerer vi om rekneskapsprinsippa som er brukte, er føremålstenlege, og vi vurderer om rekneskapsestimata og tilhøyrande noteopplysningar som er utarbeidd av leiinga, er rimelege.

- evaluerer vi den totale presentasjonen, strukturen og innhaldet i årsrekneskapen, tilleggsopplysningane, og om årsrekneskapen representerer dei underliggjande transaksjonane og hendingane på ein måte som gir ei dekkande framstilling.

Vi kommuniserer med kontrollutvalet og styret, mellom anna om det planlagde innhaldet i og tidspunkt for revisjonsarbeidet og eventuelle vesentlege funn i revisjonen, irekna vesentlege svakheiter i intern kontroll som vi avdekker i løpet av revisjonen.

Uttale om øvrige lovmessige krav

Konklusjon om registrering og dokumentasjon

Basert på vår revisjon av årsrekneskapen, slik han er skildra ovanfor, og kontrollhandlingar vi har funne naudsente i samsvar med den internasjonale standarden for attestasjonsoppdrag (ISAE) 3000 «*Attestasjonsoppdrag som ikkje er revisjon eller forenkla revisorkontroll av historisk finansiell informasjon*», meiner vi at leiinga har oppfylt si plikt til å sørge for ordentleg og oversiktleg registrering og dokumentasjon av føretaket sine rekneskapsopplysningar i samsvar med lov og god bokføringsskikk i Noreg.

Uttale om utgreiing for vesentlege budsjettavvik

Vi har gjennomført eit attestasjonsoppdrag som skal gi moderat tryggleik, i samband med Bordgleder KF si utgreiing for vesentlege budsjettavvik, enten desse skuldast beløpsmessige avvik eller avvik frå kommunestyret sine føresetnader for bruken av løyvingane.

Konklusjon

Basert på dei utførte handlingane og innhenta bevis har vi ikkje blitt kjent med forhold som gir grunn til å tru at årsmeldinga ikkje gir dekkjande opplysningar om vesentlege budsjettavvik.

Styret og dagleg leiar sitt ansvar for å greie ut om budsjettavvik

Styret og dagleg leiar har ansvaret for å etablere administrative rutinar som sikrar at det blir utarbeidd og iverksett prosedyrar for å identifisere og beskrive alle vesentlege budsjettavvik. Dette gjeld både beløpsmessige rammer og vedtekne føresetnader for bruken av løyvingane. I årsmeldinga skal styret greie ut om vesentlege beløpsmessige avvik mellom årsbudsjettet og årsrekneskapen, samt vesentlege avvik frå kommunestyret sine føresetnader for bruken av løyvingane.

Revisor sine oppgåver og plikter

Vår oppgåve er å sjå etter om årsmeldinga gir dekkande opplysningar om vesentlege beløpsmessige avvik frå årsbudsjettet og vesentlege avvik frå kommunestyret eller fylkestinget sine premisser for bruken av løyvingane. Vi skal gje ei fråsegn om årsmeldinga på grunnlag av bevisa vi har henta inn. Vi har utført vårt attestasjonsoppdrag med moderat sikkerheit i samsvar med reglane i kommunelova og RSK 302 Kontroll av vesentlege budsjettavvik. Standarden krev at vi planlegg og gjennomfører oppdraget for å oppnå moderat sikkerheit for om det ligg føre dekkande opplysningar om vesentlege budsjettavvik i årsmeldinga.

Utføring av eit attestasjonsoppdrag som skal gje moderat sikkerheit i samsvar med RSK 302, inneber å utføre handlingar for å innhente bevis for om det er avvik frå budsjettvedtak, både beløpsmessige avvik og avvik frå kommunestyret sine premisser for bruken av løyvingane, og om det i årsmeldinga er gitt dekkande opplysningar om årsakene til avvika. Revisor sitt skjøn avgjer typen, tidspunktet for og omfanget handlingar. Moderat sikkerheit har klart lågare sikkerheitsgrad enn tryggande sikkerheit, og vi gir derfor ikkje uttrykk for same nivå av sikkerheit i attestasjonen, som i konklusjon om årsrekneskapen i revisjonsmeldinga. Vi meiner at vi har innhenta tilstrekkeleg og føremålstenleg bevis som grunnlag for konklusjonen vår.

Asgeir Tveit

Statsautorisert revisor/Dagleg leiar

VESTLAND REVISJON

Kommunale Oppgåvefelleskap